



## 阿婆（南四縣腔）

還記得  
嬰兒仔時節  
不管日夜照顧佢這山猴仔  
希望佢做得遠遠大  
平安又康健

還記得  
小學時節  
佇學校壞教分先生罵  
你講下二擺做毋得再做毋著  
人愛知自家个缺點  
正有成功个日仔

還記得  
國中時節  
成績總係毋理想  
你講一擺毋好無要緊  
下擺再過煞猛兜仔  
成績自然會進步

還記得  
高中時節  
自家佇外背稅屋仔  
為著讀書食睡無正常  
一轉屋下就有好料食  
嘴項全係滿滿个幸福  
同阿婆个鼓勵

### 創作理念

《阿婆》這首新詩个內容，寫个係外阿婆佇筆者對小到大，佢分佢个鼓勵，同厥生活个人生哲學對个影響。這首詩盡多係寫對你過身到今下，三不五時出現佇筆者腦海同夢裡肚个情境。故所筆者回憶同外阿婆共下生活个每个過程，將每个過程有代表性个婆孫情，還有筆者對佢个思念，將思念化做文字，來表達筆者對外阿婆个思念，同感念對厥身上所得到个人生哲學，臨尾佢將這首新詩獻分佢親愛个外阿婆，希望佢佇另一個世界个生活做得無愁無慮。

### 鍾政凱

屏東縣枋寮鄉建興國小教師

還記得  
大學時節  
佢講愛分你下擺好好享福  
愛降兩個細猴仔分你渡  
你个人生續行到另一個世界  
佢个目汁流滿面

還記得  
做兵時節  
佇兵營裡肚不如意  
恁起你慈祥个面容  
該苦就像一陣風  
來个遽乜去个遽

還記得  
昨晡暗晡  
阿婆就佇佢夢裡肚  
面帶笑容同佢打嘴鼓  
同佢講你佇該位个生活  
無愁又無慮

其實  
阿婆就核佇佢个心肚  
一步腳都毋識離開  
有阿婆佇身邊  
係佢最快樂个人生

